



Broj: T18 0 KTRZ 0012529 19
Brčko, 12. novembar 2019. godine

OSNOVNI SUD
BRČKO DISTRIKT BIH

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikt BiH, podižem:

OPTUŽNICU

Protiv:

ĆURGUZ PANTELJE ... rođen ... 1958. godine u mjestu Pobrđani, općina Bosanska Dubica ...

SLIJEPCHEVIĆ ŽELJKA ... rođen ... 1965. godine u mjestu Bosanska Dubica ...

Što su:

U vrijeme oružanog sukoba između Vojske Republike Srpske i Hrvatskog vijeća odbrane, na području općine Brčko, u septembru 1994.godine, kao pripadnici 11. Kozarsko – Dubičke brigade Vojske Republike Srpske, i to Ćurguz Pantelija, kao načelnik štaba brigadea Slijepčević Željko, kao referent Organa bezbjednosti, postupali suprotno pravilima međunarodnog humanitarnog prava, te protivno članu 3. stav (1) tačka a) Ženevske konvencije o postupanju sa ratnim zarobljenicima od 12.augusta 1949.godine, prema ratnom zarobljeniku u odnosu na kog se u svakoj prilici mora postupati čovječno, svjesni radnje koju su namjeravali poduzeti, što su i htjeli, vršili nasilje protiv života i tijela, okrutno postupanje i mučenje, pa su tako:

U septembru 1994.godine, u mjestu Krepšić, općina Brčko, nakon što je S. I., zvani ..., kao pripadnik 106 brigade Hrvatskog vijeća odbrane Orašje, prilikom prelaska borbene linije iz pravca Orašja prema Brčkom, opažen od strane pripadnika Vojske Republike Srpske i lišen slobode, te sproveden u mjesto Krepšić, gdje je zatvoren i vezan u prostorijama pomoćnog objekta kuće vlasništvo A.J., u periodu zatočeništva koje je trajalo od 25 do 30 dana, S.I. više puta izvodili u susjedni stambeni objekat koji je 11. Kozarsko-Dubička brigada koristila kao prostorije svoje komande, te ga držali vezanog i ispitivali o tome ko je on, da li je vršio zločine prema srpskom stanovništvu, da li je ubio određene osobe i mrtva tijela silovao, pri čemu je I. potvrdio da je pripadnik 106 brigade Hrvatskog vijeća odbrane Orašje, te da je bio pripadnik i 108 brigade Hrvatskog vijeća odbrane Brčko - Ravne, te govorio da o zločinima ne zna ništa, da je bio običan vojnik, pri kojem ispitivanju su I. fizički zlostavljali na način da su mu otvorenim i zatvorenim šakama, te nogama, nanosili udarce po licu i tijelu, što su činili sve dok I. nije izjavio da je počinio zločine, a koje zlostavljanje su ponavljali više puta u period dok je bio zatočen, te tako nečovječno postupali vršeći nasilje, te nanosili velike patnje i povrede tjelesnog integriteta, što je kod S.I. u ključnoj mjeri uticalo na razvoj trajnog poremećaja ličnosti,

dakle, kao saizvršioči kršeći pravila međunarodnog prava vršili mučenje, nečovječno postupanje i nanošenje velikih patnji i povrede tjelesnog integriteta prema ratnom zarobljeniku,

čime bi počinili krivično djelo – Ratni zločin protiv ratnih zarobljenika – iz člana 144. u vezi sa članom 22. Krivičnog zakona SFRJ.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
